

揮塵前錄

後錄

第三錄

餘話

一



據中國國家圖書館藏宋龍  
山書堂刻本影印原書版框  
高二十釐米寬十三·五釐  
米





古人言嫁女為  
聖人之配也固非  
與未得而為之深  
必重其已而為樂  
之深者其已而為  
之深也心而為深  
不以其已配更  
而世不常有也尚  
人善與而配家之  
且其法詩言中  
二人曰后妃配文  
而作也其托始  
且其法詩言中

然之難婚則相與  
和鳴於河洲之上  
夫是情聖而有  
則也此其配之淑  
女也其配夫之子  
公亦善和樂需  
也也夫淑女先為  
君子之言也如此  
向之未得則其  
配夫也夫其何以  
不愛都是四卷  
差之行若未得  
之則者其在三  
方以流之矣其如



實錄院

牒

泰州

檢准淳熙十五年五月二十四日 尚書省劄子

國史院狀勘會已降

聖旨指揮修

高宗皇帝實錄續奉

聖旨編修

御集今來合要

高宗皇帝朝曾任宰執侍從卿監應職事等官被  
受或收藏

御製

御筆手詔及奏議章疏劄子并制詔日記家集碑  
誌行狀謚議事迹之類委守臣躬親詢訪如逐官  
其間有已物故者詢其家子孫取索如部秩稍多  
差人前去抄錄及委官點對津發赴院仍許投獻  
優賜錢帛多者推賞候  
指揮五月二十三日三省同奉

聖旨依劄付院當院今訪問得泰州通判王明清  
有揮塵前後錄合行點使須至公文

牒請詳牒內事理遵從已降

聖旨指揮移文王通判借本差人抄錄委官點對無



罪之流世未白之則

為寤寐不覺以求

之未求之不得而

寤而悔思也他我

思寤見而不覺也

及求以而及之如

一今而始得則有

以配天之矣五何

為不亦非是故按

不若之若其既

行則者至宅

未詳也夫此而能

之流世死之則

彼是豈非以言

其親愛之志也

後首焉之德思也

彼若差之行其

地得之則尚其

之夫此而能之

允也之則尚其

代聖其其至和

之極而向焉之

不亦心乎自以

流配天也其能

時人及思之其

不亦自己若其

抑論之夫非之

人道夫倫是故

易重乾地初者

周雖書稱歷

差漏疾速津發赴院守等照使幸勿違滯仍先希已  
依應 公文回示謹牒

慶元元年七月初八日牒

宣教郎太學博士兼實錄院檢討官戴 溪

奉議郎秘書省著作佐郎兼實錄院檢討官李 璧

中奉大夫行軍器監兼主簿所檢討官兼實錄院檢討官高 文虎

朝請郎新除樞密院檢詳諸房文字兼實錄院檢討官石 宗昭

實錄院 牒 泰州

檢准淳熙十五年五月二十四日 尚書省劄子

節文勘會已降

聖旨指揮修

高宗皇帝實錄續奉

聖旨編修

御集今來合要

高宗皇帝朝曾任宰執侍從卿監職事等官被受  
或收藏

御製

御筆手詔及奏議章疏劄子并制誥日記家集碑  
誌行狀謚議事迹之類今訪問得泰州通判土明清  
有揮塵前後錄合行照使當院已於七月內文移



李禮謀大氏而孔子

論以周雅為始也時

孔子之化始於周雅則

人倫正矣其所以

周禮辭賦之化非獨

而居獨善之仁而亦

於王道之成也歟

貴州去後至今多日未見依應前來須至再行公文

牒請詳牒內事理遵從已降

聖日拍揮移文王通判借本差人抄錄前項所要文字委官點對無差漏疾速津發赴院守等照使幸勿仍前違滯謹牒

慶元元年九月 日牒

宣教郎太學博士兼實錄院檢討官戴溪

奉議郎秘書省著作佐郎兼實錄院檢討官李璧

奉議郎秘書省秘書郎兼實錄院檢討官兼兼詳國府教授兼權員封郎官顏棫

朝散郎秘書省著作郎兼實錄院檢討官兼兼詳國府教授兼權員封郎官王容

承議郎秘書丞兼實錄院檢討官兼權禮部郎官邵康

中奉大夫行軍器監兼玉牒所檢討官實錄院檢討官高文虎

朝議大夫起居郎兼實錄院檢討官兼權刑部侍郎劉德秀

朝請大夫權尚書禮部侍郎兼實錄院同修撰楊輔

朝奉大夫權尚書吏部侍郎兼實錄院同修撰應子孟明

朝議大夫試中書舍人兼侍講兼實錄院同修撰黃由

太中大夫試吏部尚書兼侍講兼實錄院同修撰葉翥



揮麈前錄總目



卷之一

誕節立名自唐明皇千秋節始

祖宗御像所在

祖宗誕聖之地建寺賜名

**開基節**名因孟若蒙乞置

政和二年

太祖詔修二代帝王祠廟配享所在

本朝功臣配享

父子配享

高宗用人納言皆有明見

仁宗不以玉帶為寶以人安為寶

李和文其家書畫皆冠世之寶

以玉帶為朝儀始于熙寧

謚孔子為至聖文宣王

郡國立學自元魏獻文始

東臺西臺立號所始

正德二年

崇政殿講書肇于開寶

本朝列聖潛藩升府

英宗與令鑠同年月日時生

皇朝列聖搜訪書籍

秘書省

士大夫家藏書多失於讎校

紹興帝后陵寢以殯宮為名

徽宗永固陵為永祐

北齊武成王所名

藏書



○卷之二

祖宗重先代陵寢詔禁樵採

歐陽文忠公以太子少師帶觀文殿學士致仕

國朝侍從以上自有寄祿官

舊制侍從致仕加贈四官

翰林佩魚自蒲傳正始

熙寧間始置在外宮觀

本朝官制分左右字沿革

本朝宰相再爲樞密使

樞密使子弟皆補班行

館職編修不可令武臣提舉

密院承旨文武互用自王荆公始

湯特進封慶國公上章不受

州縣官帶學事繫銜

五朝俱立三相

本朝宰相兼公師

本朝三入相者六人

本朝自外拜相者四人

第草兄麻國朝以來有兩家

國朝宰相享富貴者壽者十人

本朝名公多厄於六十六

本朝宰相年少無逾范覺民張魏公



宰相見子入政府惟曾宣靖一人

本朝呂氏一家執七朝政

本朝父子兄弟為宰執者二十餘人

韓奉常之妻可儷於唐之苗夫人

錢氏富貴三百年相續前代未見

古硯犀帶皆王氏舊物

本朝居政府在具慶下者十七人

本朝狀元登庸者六人

本朝父子兄弟俱居翰苑

雍孝聞三世俱以罪廢

本朝族望之盛

建州浦城有四甲族

浦城章氏登科題名

○卷之三

蜀中大族犯高宗御名各易其姓

三世探花郎

錢氏一家盛事常占天台

本朝蘇蔡呂入相故事

子孫當為祖父諱名

本朝以遺逸起者二人

國初取士極少無踰宣和之盛

配享宣聖充鄒並列



劉器之殿試取馬巨濟巨濟不稱門生  
薛叔器家有古關外侯印

台吏楊滌丹陽李格藏多唐綸軸告命

歐宋唐書不著文中子而李習之劉禹錫等載  
之甚詳

歐蘇二公作文多避祖諱

賜生辰器幣至遣使命

慶曆赦書許文武官立家廟

衣緋綠賜金紫

本朝父子兄弟俱為狀元有四家

監司遇前宰執帥守處即入客位通謁

張載賢者不當使鞠獄

立法貴得中制

太宗還西夏所獻鶻

朱紱自陳與姦人同姓名蔡元長大喜

徐德占讀詔聲音之訛

董彥遠連徵蔡居安爪事果補外

曾文肅夢衣綠謝恩

虜主犀帶磁盆

建隆遺事詞多誣謗

張賢良應制科遇所著論中選

又在館中始呼學士

古王名之件  
人代  
也



高宗得尉拒敵故得南渡

飲酒談禪貴安自然

國初吏部給出身兼說歲數形貌以防偽冒

靖康追褒或有僥倖 之正

張文潛元帶閣職

李成因子覺為國博贈光祿寺

○卷之四

王素同姓名者二李定同姓名者三

心喪始於郭稹

三泉縣令許發賀表奏補

張逸知蜀斷政如神

南朝沙合出宰相

昔人重契義書札嚴分守

王延德歷叙使高昌行程所見

王仲言弱齡見知於朱希真徐毅立二公

郭熙畫山水有名 子思空第

呂微仲安厚卿二公賢否

姚令威得會稽石碑論海潮依附陰陽時刻

王仲言序

李賢良簡

王知府跋

前四卷秀州已嘗刊行



朝請大夫王管台州崇道觀汝陰王

明清

唐明皇實錄云開元十七年秋八月上降誕之日大  
置酒合樂燕百僚於華萼樓下尚書左丞相源乾  
曜右丞相張說率百官上表願以八月五日為千  
秋節著之甲令布於天下咸使燕樂休假三日詔  
從之誕日建節蓋肇于此天寶七載八月己亥詔  
改為天長節其後肅宗以九月三日生為地平天  
成節史不書日文宗以十月十日生為慶成節武  
宗六月十二生為慶陽節僖宗八月五日生為應  
天節昭宗二月二十二日生為嘉會節哀帝十月  
三日生為延和節梁太祖十月二十一日生為大  
明節末帝九月十二日生為明聖節唐明宗九月  
九日生為應聖節晉高祖二月二十八日生為天  
和節出帝六月二十七日生為啓聖節後漢高祖  
二月四日生為聖壽節隱帝三月七日生為嘉慶  
節周太祖七月二十八日生為永壽節世宗九月  
二十四日生為天清節恭帝八月四日生為天壽  
節 **本朝** 太祖二月十六日生為長春節太宗十  
十月七日生為乾明節後改為壽寧節 真宗十  
二月二日生為承天節 仁宗四月十四日生為  
乾元節 英宗正月三日生為壽聖節 神宗四



避位祖  
忌辰

節節

千春

誕聖錄

月十日生為同天節 哲宗十二月七日生避  
僖祖忌辰以次日為興龍節 徽宗十月十日生  
為天寧節 欽宗四月十三日生為乾龍節

太上皇五月二十一日生為天申節 今上皇帝  
十月二十二日生為會慶節而 章獻明肅皇后

正月八日生為長寧節 宣仁聖烈皇后七月十  
六日生為坤成節以嘗臨朝故耳 五代諸君節名

不見於正史以鄭向開皇記考得之 唐代宗十月  
十三日天興節見今孤絢文集中 唐順宗聖壽節

見於齊抗會誓捨宅為寺碑後唐清泰帝正月二  
十三日千春節見於五代史晉家人傳近董令升

作誕聖錄惜乎未盡也

祖宗神御像設在南京則鴻慶宮西京則奉先寺之  
興先會聖宮之降真殿揚州曰觀武滌州曰端命  
河東曰統平鳳翔曰上清太平宮及 真宗親征  
北郊封泰山祀汾陰則有澶淵之信武嵩山崇福  
之保祥華陰雲臺之集真乾德六年即都城之南  
安陵之舊城建奉先資福院為慶基節 宣祖  
藝祖則太平興國之開先 太宗則啓聖之永隆  
至大中祥符中建景靈宮天興殿以奉 聖祖其  
後 真宗之奉真仁宗之孝嚴 英宗之英德皆  
在其側也 又有慈孝之崇真萬壽之延聖崇先之

慶基節  
開先  
永隆  
聖祖  
英德  
崇先



文海有六定  
原廟記年  
聖宗與章宗有  
景靈宮  
記可改

大明宮

永崇以奉 真宗母后 章獻明肅在崇真之旁  
曰章德 章懿在奉先之後曰廣孝 章惠在延  
聖之後曰廣愛在普安者二 元德曰 隆福  
明德 章穆曰重徽元豐中 神宗以獻饗先後  
失序地偏且遠有曠世不及親祠者迺詔有司  
神御之在京者寓於佛祠皆廢徹而遷之禁中繇  
英德而上五世合為一宮凡十一殿以世次別東  
西序 帝殿一門列戟七十二殿之西廡繪畫容  
衛公王名將羅立左右內有燕寢溫清之寶玩好  
畢陳而母后居其北改慶基曰天元后曰太始開  
先曰皇武后曰儷極永極曰定太后曰輝德奉真  
曰熙文后曰衍慶孝嚴曰美成后曰繼仁英德曰  
治隆其便殿十一曰來寧曰燕娛曰靈遊曰凝神  
曰天遊曰泠風曰太靈曰丹臺曰靈崑曰昭清以  
五年十一月奉安 帝后塑像於新宮大赦天下  
繪像侍臣于後元祐初即治隆之後宣光殿以奉  
神宗紹聖初闢宮之東隅為顯承殿以宣光殿故  
址為徽音殿以奉 宣仁聖烈建中靖國元年詔  
以顯承介於一偏廟號未稱於是度馳道之西東  
直大定南北廣袤地勢併撤省寺創為西宮建大  
明宮以奉 神宗為館御之首洎日遷奉親祠永  
為不祧之廟以示推崇之意曲赦四畿錄功臣後



如元豐故事云

西京應天寺本後唐夾馬營大中祥符二年以

太祖誕聖之地建寺錫名東京啓聖院本晉護聖

營以 太宗誕聖之地太平興國六年建寺雍熙

二年寺成賜名二寺皆奉 祖宗神御 英宗以

齊州防禦使入繼大統治平二年建齊州爲興德

軍熙寧八年八月詔潛邸爲佛寺以本鎮封賜名

興德禪院仍給淤田三十頃

**開基節**建名世多無知者建炎初嘗詔如後來所立

元聖真元節名之類除開基節外悉皆罷去始知

爲未乂因考建中以後詔旨政和二年南京鴻慶

宮道士孟若蒙進狀言本宮每遇正月初四日爲

創業之日修設齋醮乞置節名以永崇奉詔從其

請近見曾仲躬云若蒙亦能詩文清作南京少尹

日嘗與之遊亂後復會于二衢紹興間若蒙又以

前績自陳時秦會之當軸令勅住臨安府天慶觀

非其所欲拂衣而歸老於衢云仰惟

太上皇帝中興再造復在南都符命豈偶然哉

太祖皇帝朝嘗詔脩先代帝王祠廟每廟須及一百

五十間以上委逐州長吏躬親點檢索圖赴闕遣

使覆檢令太常禮院重定配享功臣檢討儀相畫

樣給付女媧祠在晉州書傳無功臣可配太昊以



文王初以三公配  
少昊以成王配

金提勾芒配祠在陳州炎帝以祝融配祠在衡州  
黃帝以后土風后力牧配祠在坊州高陽以玄冥  
配祠在澶州高辛以稷配在宋州唐堯以司徒高  
配祠在鄆州虞舜以咎繇配祠在道州夏禹以伯  
益配祠在越州商帝成湯以伊尹配祠在河中府  
中宗太戊以伊陟臣扈配祠在大名府高宗帝武  
丁以甘盤傳說配祠在陳州周文王以師鬻熊配  
武王以召公配成王以周公旦唐叔虞叔配康王  
以太公畢公配秦始皇帝以李斯蒙恬王翦配漢  
高帝以蕭何配文帝以周勃陳平劉章宋昌配景  
帝以周亞夫竇嬰申屠嘉晁錯配武帝以公孫弘

衛青霍去病金日磾霍光配宣帝以丙吉魏相霍  
光張安世配以上十帝並祠在長安後漢世祖以  
鄧禹吳漢耿弇賈復配明帝以東平王蒼蒼梧祭配  
章帝以牟融趙意宋安配以上三廟並在河南府  
魏武帝以鍾繇荀攸程昱配廟在相州文帝以賈  
詡王朗曹真辛毗配晉武帝以羊祜張華王濬杜  
預配二廟在河南府後魏孝文帝以王祥王肅長  
孫晟配後周文帝以宇文憲蘇綽燕公于謹盧辯  
配二廟在耀州隋高祖以牛弘高穎賀若弼配廟  
在鳳翔府唐高祖以河間王孝恭殷開山劉政會  
淮南王神通配廟在耀州太宗以長孫無忌房玄



齡杜如晦魏徵李靖配廟在京兆府明皇以張說郭元振王琚配廟在河中府肅宗以苗晉卿裴冕配廟在京兆府憲宗以裴度杜佑李愬配廟在同州宣宗以夏侯孜白敏中馬植配廟在耀州朱梁太祖以劉鄩敬翔葛從周袁象先配後唐莊宗以郭崇韜李嗣昭符存審配明宗以霍彥威安重進任圜配石晉高祖以桑維翰趙瑩配以上並在河南府皆著之儀制是時吳蜀未平六朝帝廟闕而不載

本朝曹武惠配享

太祖武穆配享

仁宗韓忠獻

配享

英宗文定配享

徽宗父子配享自昔所

無也

明清側聞紹興初劉太中以監察御史宣諭諸路回宰臣以其稱職擬除殿中侍御史太上皇帝云且令除祕書少監宰臣啓其所以太上曰大中所以多與獄尚有未決者一除言路外方觀望恐累及無辜德壽之號稱哉後因閱會要恭觀宏休恐中祕之書臣下莫得而悉窺今載其略紹興三年四月十六日知藤州侯彭老言本州賣鹽寬剩錢壹萬貫文省買到金一百六十餘兩銀壹千八百兩投進詔縱有寬剩自合歸之有司非守臣所當進納或恐乱有刻剝取媚朝廷侯彭老可



特降一官放罷以懲妄作所進物退還紹興十二年四月一日宰執進呈前廣南東路轉運判官范正國言本路上供及州郡經費全仰鹽息應辦比因全行客鈔遂或闕乏欲自今本路州郡凡屬屯駐兵馬去處許依客人買鈔請鹽各就本州出賣所得息錢專充軍費上曰法必有弊然後改未見其弊遽先改非徒無益必致為害凡法皆然不獨鹽也又建炎元年十月十二日宰執詣御舟御榻前奏事訖上曰昨日有內侍自京師齎到內府真珠等物一二囊朕投之汴水矣黃潛善曰可惜有之不必棄無之不必求上曰太古之世橈玉毀珠小盜不起朕甚慕之庶幾求所以息盜爾四年三月七日宰執進呈宣撫處置使奏大食國進奉珠玉寶貝等物已至熙州上曰大觀宣和間茶馬司川茶不以博馬唯市珠玉故馬政廢闕武備不修遂致胡虜亂華危弱之甚今若復捐數十萬緡賀易無用珠玉曷若愛惜其財以養戰士不若以禮贈而謝遣之乃降旨宣司並不得受令量度支賜以荅遠人之意紹興元年二月二十二日荆湖南路馬步軍副總管孔彥舟言於潭州州城蓮池內收得玉一片堪篆刻御寶乞差人宣取詔御寶已足備兼自艱難以來華靡之物一無



所用令彥舟不須投進此與夫却千里馬還于闐  
玉適相符合誠 帝王之盛德也

李和文遺事云 仁宗嘗服美玉帶侍臣皆注目上  
還宮內侍曰侍臣目帶不已何耶對曰未嘗見此  
奇異者 上曰當以遺虜主左右皆曰此天下至  
寶賜外夷可惜 上曰中國以人安爲寶此何足  
惜臣下皆呼萬歲

和文遺事又云其家書畫最富有吳道子天王胡瓌  
下程圖唐淨心須菩提黃居采竹鶴孫知微虎韓  
幹早行圖梅鷄傳古龍江南畫佛唐希雅竹李成  
山水唐畫公子出獵圖黃居采雕狐圖黃筌雨中  
牡丹李思訓設色山水周昉按舞折支杏花徐崇  
嗣沒骨芍藥江南卞虫獨幅山水黃筌金盆鷄鴿  
大窠山茶書有懷仁真迹集右軍聖教序貞觀蘭  
亭詩叙右軍山陰帖樂毅論顏魯公書劉太冲序  
皆冠世之寶

熙寧八年四月岐王顥嘉王頊言蒙遣中使賜臣方  
團玉帶各一條准閣門告報著爲朝儀臣等乞寶  
藏于家不敢服用 上命工琢玉帶以賜二王二  
王固辭不聽請加佩金魚以別嫌詔并以玉魚賜  
之玉帶爲朝儀始于此

北齊顯祖高祥晉陽公李元忠南齊竟陵王蕭子良



隋長孫覽俱謚文宣孔子蓋出四謚之後大中祥符元年始加玄聖二字後避

熙寧中欲加謚至神元聖帝禮官李邦直以謂夫

子周臣也周室諸君止稱王執以為不可卒從其議

元魏獻文欲置學官于郡國高允表請制大郡立博

士二人助教四人學生一百人次郡立博士二人

助教二人學生八十人中郡立博士一人助教二

人學生六十人下郡立博士一人助教一人學生

四十人其博士取博關經典履行忠清堪為人師

者年限四十以上助教亦與博士同年限四十以

上若道業夙成才任教授不拘年齒學生取郡中

清望人行修謹堪束循名教者先盡次及中等帝

從之郡國立學自此始事載允傳 本朝高承纂

事物紀原自謂博極而不取此何耶

唐高宗改門下省為東臺中書省為西臺尚書省為

文昌臺故御史臺呼為南臺趙璘因話錄云璘又

云武后朝御史有左右肅政之號當時亦謂之左

臺右臺則憲臺未曾有東臺西臺之稱明清嘗記

張鷟朝野僉載對天后為戲語云左臺胡御史右

臺御史胡是也 本朝李建中為分司西京留司

御史世以西臺目之李杻筠為御史大夫不樂者

呼為栖臺蓋其名也



王昭素

明清五世祖拾遺開寶八年以近臣薦自布衣召對講易于崇政殿然後命官崇政殿說書之名肇建于此行事具載 三朝國史

太祖皇帝以歸德軍節度使創業升宋州為歸德府後為應天府 太宗以晉王即位升并州為太原府 真宗以壽王建儲升壽州為壽春府 仁宗以昇王建儲升建業為江寧府 英宗以齊州防禦使入繼以齊州為興德軍 神宗自穎王升儲以汝陰為順昌府 哲宗自延安郡王升儲升延州為延安府 徽宗以端王即位升端州為肇慶府 欽宗自定王建儲前已升中山府 太上以

十一前

三十九

康王中興升康州為德慶府 今上以建王建儲升建安為建寧府 宣和元年六月邢州民董世多進狀以 英宗嘗為岳州防禦使詔加討論時邢州已言 英宗嘗為岳州防禦使詔加討論時邢州已升安國軍遂以邢州為信德府岳州為岳陽軍是歲十月又詔以 列聖潛邸所領地再加討論以真宗嘗為襄王升襄州為襄陽府 仁宗嘗為慶國公以慶州為慶陽府 英宗嘗為宜州刺史以宜州為慶遠軍 神宗嘗為安州觀察使以安州為德安府又嘗為光國公以光州為光山軍 哲宗嘗為東平軍節度使以鄆州為東平府嘗為均

防備使

刺史

國公

王府

在在使

高平使



國公以均州爲武當軍。徽宗嘗爲寧國公以寧州爲興寧軍。其後又以徽宗嘗爲平江鎮江軍節度使並陞爲府。又以太宗昔嘗爲睦州防禦使升睦州爲遂昌軍。今上皇帝即位之初陞隆興寧國常德崇慶諸府皆以潛藩擁戲之地也。英宗在濮邳與燕王宮族人世雄厚善兩家各生子同年月日時是生。神宗而世雄之子令鑠也。神宗後即帝位令鑠進士及第爲本朝宗室登科第一。

國朝承五代搶攘之後三館有書僅萬二千卷乾德以後平諸國所得浸廣。太宗鄉儒學下詔搜訪

主前一

民間以開元四部爲目館中所闕及三百已上卷者與一子出身端拱元年分三館之書別爲書庫。日曰秘閣。真宗咸平三年詔中外臣庶家有收得三館所少書籍每納一卷給千錢。卷判館看詳委是所少書數及卷秩別無差誤方許收納其所進書及三百卷以上量才試問與出身又令三館寫四部書二本一置禁中龍圖閣一置後苑之太清樓以便觀覽。八年榮王宮火延燔三館焚藝殆遍於是出禁中本就館閣傳寫且命儒臣編類讎校校勘校理之官始於此也。嘉祐五年又詔中外士庶許上所闕書每卷支絹一疋及五百卷特與



文資元豐中秘書省三館併歸省中書亦隨徙元祐中重寫御前書籍又置校對黃本以館職資淺者爲之又置重修晉書局不久皆罷去宣和初蔡攸提舉秘書省建言置補御前書籍所再訪天下異書以資校對以待臣拾人爲參詳官餘爲校勘又以進士白衣充檢閱者數人及年皆命以官未畢而國家多故靖康之變諸書悉不存太上警蹕南渡婁下搜訪之詔獻書補官者凡數人秦熈提舉秘書省奏請命天下專委守臣又有旨錄會稽陸氏所藏書上之今中祕所藏之書亦良備矣承平時士大夫家如南都戚氏歷陽沈氏廬山李氏九江陳氏番禺吳氏俱有藏書之名今皆散逸近年所至郡府多刊文籍且易得本傳錄仕宦稍顯者家必有書數千卷然多失於讎校也吳明可帥會稽百廢具舉獨不傳書明清嘗啓其故云此事當官極易辦但僕旣簿書期會賓客應接無暇自校子弟又方令爲程文不欲以此散其功委之它人孰肯盡心漫盈箱篋以誤後人不若已也

紹興初 昭慈聖獻皇后升遐外祖曾公公卷以江東漕兼攝二浙應辦用元符末京西漕陳向故事也朝論欲建山陵外祖議以謂帝后陵寢今存伊洛不日復中原即歸祔矣宜以殯宮爲名僉以爲



當遂用之陳向權漕事見汪彥章所撰徐丞相夫人陳氏墓誌夫人向之女也

紹興戊午 徽宗梓宮南歸有日秦丞相當國請以永固為陵名先人建言北齊叱奴皇后寔名矣不可犯且叱奴夷狄也尤當避秦大怒幾蹈不測後數年卒易曰永祐

揮塵前錄卷之一



揮塵前錄卷之二

朝請大夫主管台州崇道觀汝陰王

明清

祖宗朝重先代陵寢每下詔申樵採之禁至于再三  
置守冢戶委逐處長吏及本縣今依常切檢校罷  
任有無廢闕書于曆子太昊葬宛丘在陳州炎帝  
葬長沙在潭州黃帝葬槁山在上郡今坊州界高  
陽葬臨河縣故城東高辛葬濮陽頓丘城南臺陰  
城唐堯葬城陽穀林今鄆州界舜葬零陵郡九疑  
山今永州界女媧葬華州界夏禹葬會稽山今越  
州會稽縣商湯葬寶鼎縣周文王武王並葬京兆  
府咸陽縣界漢高祖葬長陵在耀州安北後漢世  
祖葬原陵在洛陽縣界唐高祖葬獻陵在耀州三  
原縣東太宗葬昭陵在醴泉縣北九壘山以上十  
六帝各置守陵五戶每歲春秋祠御書名祝板祭  
以犬牢諸處舊有祠廟者亦別祭饗商中宗帝大  
成葬內黃縣東南陽武丁葬西華縣北周成王康  
王皆葬畢在咸陽縣界漢文帝葬霸陵在長安東  
南宣帝葬杜陵在長安南魏武帝葬高陵在鄴縣  
西晉武帝葬峻陽陵在洛陽後周太祖文帝葬成  
陵在耀州富平縣隋高祖文帝葬大陵在武功縣  
以上十帝置三戶歲一饗以太牢秦始皇帝葬昭  
應縣漢惠帝葬安陵景帝葬陽陵在長安東北武



帝葬茂陵在長安西後漢明帝葬顯節陵章帝葬敬陵並在洛陽東南魏文帝葬首陽陵在偃師縣後魏孝文帝葬永寧陵在富平縣唐明皇泰陵憲宗景陵俱在奉天縣肅宗建陵葬醴泉縣宣宗正陵在雲泉縣朱梁太祖葬興極陵在伊闕縣後唐莊宗葬伊陵在新安縣明宗葬徽陵在洛陽東北石晉高祖葬顯陵在壽安縣以上十五帝各置守陵兩戶三年一祭以太牢凡祭祀皆令長吏行禮所用太牢以羊代之陵戶並以陵近小戶充除二稅外免諸雜差徭周相王葬灑池縣東北靈王葬河南縣相亭西周山上景王葬洛陽城中西北隅前漢元帝葬渭陵在長安縣成帝葬延陵在咸陽縣哀帝葬義陵在扶風平帝葬康陵在長安縣北後漢和帝葬慎陵在庚地安帝葬恭陵在長安西北順帝葬順陵冲帝葬懷陵並在洛陽西質帝葬靜陵相帝葬宣陵並在洛陽東靈帝葬文陵在洛陽西北獻帝葬禪陵在渭城北魏明帝葬高平陵在河清縣高貴鄉公葬洛陽瀍澗之濱陳留王葬王原陵在鄴西晉惠帝葬太陽陵在洛陽魏文帝葬富平縣東南東魏孝靜帝葬鄴唐高宗乾陵睿宗槁陵穆宗光陵僖宗靖陵並葬奉天縣中宗定陵代宗元陵順宗豐陵文宗章陵懿宗簡陵並



葬富平縣德宗崇陵敬宗莊陵武宗端陵並葬三原縣昭宗和陵葬河南緱氏縣梁末帝葬伊闕縣

後唐

末帝

葬明宗陵內以上三十八

帝常禁樵採此乾德四年十月詔也著于甲令其後又詔曾經開發者重製禮衣常服棺槨重葬焉東晉以降六朝陵寢多在金陵丹陽之間皆可考識而制書不載者當時江左未平故耳先子嘗纂歷代陵名自漢高帝建名以來雖后妃追崇僭霸無有遺者今行于世

國朝百官致仕庶僚守本官以合遷一官回授任子

侍從仍轉一官宰執換東宮官興寧初歐陽文忠公始以太子少師帶觀文殿學士致仕示特恩也故謝表云道愧師儒乃忝春宮之峻秩身居猷畝猶兼書殿之隆名自是以為例

國朝侍從以上自有寄祿官如左右正言二史給諫吏禮部郎中之類是也若庶僚曾經飾擢至於雜流甄叙悉皆有別一見刺字便知涇渭元豐官制既行混而為一故王荆公有流品不分之語

舊制如侍從致仕轉官遺表贈四官皆自其合遷官上加之今則寄祿官至陞朝轉贈僅止真郎而已蒲傳正在翰林因入對神宗曰學士職清地近非



坊林平士重

金

中書舍人紅

鞋犀帶

用布人

左

尚宰相必推

宋使

尚書

尚書

它官比而官儀未寵自今宜加佩魚遂著為令見  
 于神宗實錄東坡先生謝入翰林表曰玉堂賜  
 篆仰淳化之彌文寶帶重金佩元豐之新渥中書  
 舍人繫紅鞋犀帶自葉少蘊始見姚令威叢語而  
 石林自記却不及舊假服色不佩魚崇寧末王照  
 尚書詳定勅令啓請許之自是為例仍許入街具  
 載詔書其後以除勅中不載多不署魚袋二字  
 國朝凡登從班無在外閑居者有罪則落職歸班亦  
 奉朝請或黜守偏州甚者乃分司安置不然則告  
 老掛冠熙寧間始置在外宮觀本王荆公意以處  
 異論者而荆公首以觀使閑居鍾山者八年

官制後惟光祿大夫及中散朝議二大夫分左右增  
 磨勘而已初非以科第也元祐間范忠宣當國始  
 帶左右紹聖初罷去事見常希古奏疏大觀二年  
 又置中奉奉直二大夫徹中散朝議左右字紹興  
 初樞密院編修官楊愿啓請再分左右自是以出  
 身為重

前宰相為樞密使者宋元憲富鄭公文潞公陳秀公  
 宣和二年鄭華原以故相領院事紹興七年秦師  
 垣亦以前揆拜樞密使未幾復登庸近歲張魏公  
 亦然李邦直許冲元曾令綽韓師朴為二府後皆  
 再入為尚書然不久復柄用惟令綽竟止八座



樞密使補班行

通水

都承旨文  
武五日

樞密使

學事

舊制樞密使知樞密院奏薦子弟皆補班行故富鄭公之子紹京文潞公之子貽慶皆為閣門祗候元豐後方授文資

神宗朝詔樞密院編修經武要略以都承旨張誠一提舉誠一武臣也乞差編修官二員時王正仲胡完夫為館職詔令兼之是夕忽御批提舉改作管勾詰朝政啓上所以 上云已差館職編修豈可令武臣提舉而樞密院編修自此始也

樞密院舊皆武臣如都承旨亦然 國初二曹俱嘗為之熙寧中王荆公怒李評罷去命曾令綽為都承旨自是方文武互用矣

仁宗以大中祥符七年由慶國公出閣隆興初湯特進封慶國公明清嘗以故事啓之遂上章辭不敢受改封榮國公王將明白蒙亨宣和間皆封慶公而不辭豈一時忘之耶

政和中詔天下州縣官皆帶提舉管勾學事時姚麟以節度使守蔡州建言乞免繫階 朝廷許之靖康初除去紹興中復增但改度官為主管時孟信安仁仲來帥會稽先人寓居孟氏與家間契分甚厚仁仲以兄事先人入境語先人云忠厚與秦會之雖為僚壻而每懷疑心今省謁 橫官先入朝然後開府從兄求一不傷時忌對劄先人舉此仁



仲大喜為授麟舊請草牘以上奏入即可尋又降旨自此武臣帥守並免入街行之至今

國朝范魯公王文獻溥魏宣懿仁浦秉鈞史館昭文

集賢三相俱全 太宗初即位薛文惠居正沈恭

惠倫盧大戎多遜 真宗咸平二年李文靖沆文

簡敏中呂文穆蒙正 仁宗至和二年劉文忠沆

文潞公彥博富韓公弼元祐初司馬溫公為左僕

射文潞公平章軍國重事呂正獻平章軍國事皆

三相也至三年溫公薨文呂二公在位而呂汲公

大防范忠宣純仁為左右僕射殆四相然不久也

本朝宰相兼公師者范魯公王文獻趙韓王薛文惠

王文貞丁晉公馮文懿王文公呂文靖韓忠獻曾

宣靖富韓公文潞公呂正獻蔡師垣秦師垣陳魯

公而已餘皆罷政後方拜近日惟張魏公自外以

少傅再拜右揆

本朝三入相者趙韓王呂文穆文靖張鄧公文潞公

蔡元長雖四入而不克有終

國朝自外拜相者文潞公韓康公章子厚近年陳原

公亦曠典也

元符末曾文肅自知樞拜相公弟文昭為翰林鑠宿

禁中面對喻旨草麻文昭力辭 上云弟草兄麻

太平美事禁中已檢見韓絳故事矣不須辭文昭



始拜命蓋熙寧初韓康公入相實持國當制  
國朝以來兩家而已金坡遺事載錢希白爲文僖  
草麻雖六儀同鈞衡寔未嘗秉政也是時母氏年  
九歲偶至東府門外觀閱歸告文肅云翁翁明日  
相矣適見快行家宣叔翁入內甚急以是逆料已  
而果然

國朝宰相身考壽考者宋惠安八十張鄧公八十六陳  
文惠八十二富文公八十一杜邠公八十宋元獻  
七十九李文定七十七曾宣靖八十龐穎公七十  
六蘇丞相八十二文潞公雖至九十四而薨貶秩  
中蔡師垣亦八十晚節拘籍南遷殂於中路不得

全有富貴考終

本朝名公多厄於六十六韓忠獻歐陽文忠王荊公  
蘇翰林而秦師垣復獲預其數呂正惠呂文穆亦然  
本朝宰相登庸年少者常山春明退朝錄備見之然  
無逾近歲范覺民丞相廷告日方三十一但壽止  
三十七其後張魏公入相亦未四十且太夫人康  
健罷相之後遷謫居外幾二十年後雖入竟不拜  
元宰

國朝身爲宰相壽考康寧再見其子入政府者惟曾  
宣靖一人而已

呂文穆相 太宗猶子文靖叅 真宗政事相



仁宗文靖子惠穆為英宗副樞為神宗樞使  
次子正獻為神宗知樞相哲宗正獻孫舜徒  
為太上皇右丞相繼執七朝政真盛事也

本朝一家為宰執者呂氏最盛既列于前矣父子兄

弟著韓忠憲億子康公絳黃門維莊敏鎮范文正

仲淹子忠宣純仁左轄純禮石元懿載子文定

中立呂叅政餘慶弟正惠端陳參政恕子恭公執

曹武惠彬子武穆稟任安惠中師弟康懿中正張

參政洎孫左轄操王惠獻化基子安簡舉正陳文

忠堯叟弟文惠堯佐王文獻溥孫康靖貽永章文

獻得象從孫壯恪案丞相博王樞密博文子忠簡

主簿

疇吳正肅育弟正惠充曾宣靖公亮子樞密孝寬

韓魏公琦子文定忠彥曾孫樞密肖冒胡文恭宿

妣左丞宗愈張榮僖耆曾孫忠文叔夜梁懿肅適

孫中書子美蔡忠懷確子樞密越林文節希從子

中書攬蔡太師京子樞密收鄧樞密洵武弟左轄

洵仁近日如錢參政端禮之於文僖史簽書才從

子丞相借亦一家而洪右相适樞密尊為伯仲數

十年未嘗見也王文公安石弟左轄安礼富韓公

弼孫知樞直柔

韓循之奉常治之妻魯國太夫人文氏潞公之孫魏

公之孫婦儀公之家婦呂惠穆之外孫曾簡肅之



外曾孫呂文靖之曾外孫身見其子肖胃為樞密  
壻鄭億年為資政殿大學士儀同執政他子與孫  
俱被飾擢壽隄八秩婦人中罕有唐張延賞苗夫  
人可儷之也

錢武肅錫自唐乾寧中盡有二浙之地享國五世至

忠懿王俶以版圖來歸改封鄧國王子弟皆換節旄

其後弟十四子文僖惟演以文章進仕昭陵為樞密

使文僖子次對暄次對子景臻尚秦魯公主位至少

保生子伯誠忱亦至少師它子悉建節伯誠子與

和端禮今參知政事忠懿兄廢王宗之子希白易

希白子修懿明逸子飛彥遠兄弟對掌內外制父

子又中大科子飛子穆颺元祐中入禁林穆子遜

叔伯言至樞密直學士他位顯庸尚多雖間有以

肺腑進然富貴文物二百年相續前代所未見也

晏元獻夫人王氏國初勲臣超之女樞密使德用之

妹也元獻壻富鄭公也鄭公壻馮文簡文簡孫壻

蔡彥清朱聖子聖子女適滕子濟俱為執政元獻

有古硯一奇甚王氏舊物也諸女相授號傳壻硯

今藏滕氏朱之孫女適洪景巖近又登二府亦盛

事也又有古犀帶一亦元獻舊物今亦藏滕氏明

清嘗於子濟子珙處見之

本朝居政府在具慶下者王文獻盧大戎包孝肅張文

子子中唐  
九版及名  
右



孝吳長文吳正肅呂吉只父章子右安厚卿馮彥為曾  
令緯土彥霖李士美王將明蔡居安林彥振王元忠  
本朝狀元登庸者呂文穆李文定王文正宋元憲故  
詩人有去皇朝四十三龍首身到黃扉止四人王  
文安覽之不悅後數十年李士美何文鎮亦以廷  
魁至鼎席

唐朝世掌絲綸以為美談而本朝以來兄弟居禁

林者竇可象儀弟望之儼宋元憲景文王荆公和

父韓康公持國蘇翰林子由曾文肅文昭蔡元長元

度鄧子裳子文張康伯賓老字文仲達叔通父子則

李文正昌武晁文元文莊梁翰林固懿肅適蔡文忠

仲遠延慶錢希白子飛蘇儀甫子容一家則張尚書

洎唐公環遂明藥范蜀公子功淳父元長而淳父元

長又父子也錢氏又有純老穆父焉葉道卿少蘊

而蔡君謨之於元長兄弟亦一族也外制則前人

俱嘗掌之惟曾南豐與文昭文肅兄弟三人焉孔

經父常父劉遵父贛父與從子少馮又對掌內外

制也近日於洪忠宣父子間再見之

雍孝聞蜀士之秀也元符末有聲太學學者推重之

崇寧初省試奏各第一前此婁上封事剴切九重固

已默識其名至是殿策中力詆二蔡及時政未便者

徽宗大怒減死竄海外宣和末上思其忠親批去



雍孝聞昨上書致雁刑辟忠誠可嘉特開落過犯授  
修武郎閤門宣贊書人命放而孝聞死矣於是錄其  
子子純爲右選紹興初從張魏公入蜀魏公令屬  
趙喆軍中喆誅子純坐編管既死魏公憐之復致  
其子安行一官紹興間以告訐流領外不知所終  
三卅俱以罪廢與前所紀諸家不侔然亦不幸也  
唐朝崔盧李鄭及城南韋杜二家蟬聯珪組卅爲顯著  
至本朝絕無聞人自祖宗以來故家以真定  
韓氏爲首忠憲公家也忠憲諸子名連系字康公  
兄弟也生宗字宗生子名從玉字玉生子從日字  
日生元字元生子從水字居京師廷有桐木都人以

三甫

卷一

桐樹目之以別相韓焉相韓則魏公家也魏公生儀公  
兄弟名連彥字彥生子名從口字口生子從胄字  
胄之子名連三畫或謂魏公之命以其名琦字析  
焉東萊呂氏文穆家也文穆諸子文靖兄弟也名  
連簡字簡字生公字公字生希字希字生問字問  
字生中字中字生大字大字生祖字河內向氏文  
簡公家也文簡諸子名連傳字傳字生子從系字  
系字生從宗字欽聖憲肅兄弟也宗字生子字子  
字生水字水字生土字土字生公字兩浙錢氏文  
僖兄弟名連惟字惟字生日字日字生景字景字  
生心字心字生之字長主孫則連端字賜名也曹



武惠諸子名連玉字玉字生人字慈聖光獻昆季也人字生言字言字生日字日字生水字水字生絲字高武烈諸子連遵字遵字生士字宣仁聖烈兄弟也士字生公字公字生世字世字生之字晁文元諸子名連宗字文莊兄弟也宗字生仲字仲字生端字端字生之字之字生公字公字生子字李文定本甄城人既徙京師都人呼爲濮州李家李文和居永寧坊有園亭之勝築高樓臨道邊呼爲看樓李家李邯鄲宅並念佛橋以橋名目之陳文惠居近金水門以門名目之王文貞手植三槐于廷都人以三槐表之王文正本北海人以青州王氏別之王景彛居太子巷以巷名目之王審琦太師九子以九院呼之張榮僖以位顯名以待中家目之賈文元居廂後宋宣獻居宣明坊亦以巷名目之宋元獻兄弟安陸人以安州表以上數家派源既繁名不盡連矣在江南則兩曾氏宣靖與南豐是也曾文清兄弟亦以儒學顯又二族矣三蘇氏大簡儀父明允兩范氏蜀公與文正是也若莆田之蔡白沙之蕭毗陵之胡會稽之石番陽之陳新安之汪吳興之沈龍泉州之鮑皆爲今之望族而都城專以戚里名家又數家不能悉數也

建州浦城取爲僻邑而四甲族皆本縣人楊氏則起



于文莊章氏則肇自郇公蓋練夫人孫夫人陰德  
世多傳焉黃氏本于子思陳氏本于秀公軒裳極  
盛今仕途所至有之

浦城章氏盡有諸元子平為廷試魁而表民望之制

科第一子厚惇開封府元正夫案鎖廳元正夫子

綜為國學元子厚子援為省元次子持為別試元

其後自閩徙居吳中族屬既殷簪裳益茂至今放

榜必有居上列者章氏自有登科題名石刻在建陽

揮麈前錄卷之二





揮塵前錄卷之三

汝 陰 王 明清

太上皇帝中興之初蜀中有大族犯 御名之嫌者  
而遊宦參差不齊倉卒之間各易其姓仍其字而  
更其音者勾濤是也加金字者鈎光祖是也加絲  
字者約紡是也加草頭者苟讓是也改為句者句  
思是也增而為句龍者如淵是也繇是析為數家  
累世之後昏媾將不復別文潞公自云敬暉之後  
以 國初 翼祖諱而改今有苟氏子孫與文氏  
所云相同蓋本一族亦是仕于南北失於相照與  
此相類

世十八歲

李昌武宗諤之子昭遠十八歲鎖廳及第昭遠子泉  
卿泉卿子士廉皆不逾是歲登甲科凡三世俱曾  
為探花郎亦衣冠之盛事也

錢氏一家  
盛年正元  
台

吳越國忠獻王錢佐夢其弟 襲位未幾為其大將  
胡進思所廢時忠懿王 為台州刺史進思迎立  
之元豐中王之孫 知台州其子景臻自郡入都  
選尚 仁宗女是為秦魯長主靖康末胡騎犯關  
主避狄南來因遂卜居後數年詔即州賜第主享  
之二十年壽八十六薨于天台其子伯誠居之又  
二十年官至少師年亦八十餘少師子即處和也  
處和之女又自台州被選為王妃去歲處和既為



執政別營甲第南北相望甚夥一家盛事常占此境  
 官制行置左右丞二府中班最下無有爰立者元祐  
 中蘇子容丞相自左轄登庸時以為異恩崇寧物  
 微宗亟欲相蔡元長遂用此故事時有獻詩者曰  
 磊落儀形真漢相闊疎恩禮舊蘇公紹興初呂元  
 直自簽書樞密院入相前此所無也

時新得古傳此政以法以之  
 上曰簽書入相

張洵乃張說之子敬翔為敬暉之孫本朝劉溫叟  
 以父名岳終身不聽樂至其孫几乃自度曲預修  
 樂書可笑近有吳錡者乃國初功臣吳廷祚之  
 後祖元康復尚主而失節於劉豫仕僞庭至樞密  
 使為其用事此一律吁可歎哉

李叔佐云

本朝以來以遺逸起達者惟种明逸常夷甫二人而  
 已徽宗朝王易簡蔡宗密呂注自布衣拜崇政殿  
 說書然薦紳間多不與之也王君儀尹彥明後亦  
 登禁從距今亦三十年矣雖婁下求賢之詔州郡  
 間有不應聘者而羔鴈不至於巖穴也易簡即寓  
 之父九江人大觀中家祖守郡首薦之其後改節  
 以媚權臣官至資政殿大學士寓仕靖康驟拜二  
 府被命使虜託夢寐以辭行欽宗震怒竄嶺外  
 父子南下中途為盜所害

寓字元忠

國初每歲放榜取士極少如安德裕作魁日九人而  
 已蓋天下未混一也至太宗朝浸多所得率江



南之秀其後又別立分數考校五路舉子以北人拙於詞令故優取熙寧三年廷試罷三題專以策取士非雜犯不復黜然五路舉人尤為踈略黃道夫榜傳臚至第四甲党縛卷子神宗大笑曰此人何由過省知舉舒信道對以五路人用分數取末名過省上命降作第五甲末自後人益以廣宣和七年沈元用榜正奏名殿試至八百五人蓋燕雲免省者既衆天下赴南宮試者萬人前後無踰此歲之盛

崇寧中以王荆公配宣聖亞充公而居鄒公之上故遷鄒于充之次靖康初詔黜荆公但昇塑像不復

移鄒公于舊位至今天下庠序悉充鄒並列而虛

右雖後來重建者舉皆公襲而竟不能革也沈文伯云

劉器之晚居南京馬巨濟消作少尹巨濟廷試日器

之作詳定官所取也而巨濟每見器之未嘗修門

生之敬器之不平因以語客客以諷巨濟巨濟曰

不然凡省闈解送則有主文故所取士得以稱門

生殿試蓋天子自為座主豈可復稱門生於他人

幸此以謝劉公也客以告器之器之歎服其說自

是其權陸務觀云

二友薛叔器家有閔外侯印甚奇古後考之魏建安

二十二年嘗置此名也又友人家有湯盛虜將軍章



及明清有橫武將軍印皆不可考伯氏有新遷長  
印後考前漢書乃新室嘗以上蔡為新遷也又友  
人家多睦子家丞印多睦郡名既云子之家丞秩  
甚卑然篆文印樣皆出諸印右嘗撫得之或云亦  
王莽時印畢少董家有雍未央姓名見於急就章  
明清少游外家年十八九時從舅氏曾宏父守台州  
有筆吏楊滌者能詩亦可觀言其外氏唐元相國  
之裔一日持告身來乃微之拜相綸軸也銷金雲  
鳳綾新若手未觸白樂天行并書後有畢文簡夏  
文莊元章簡諸公跋識甚多尋聞為秦熺所取恨  
當時不能入石至今往來于中也又丹陽呂城聞  
比委巷竹林中有李格秀才者自云唐宗室系本  
大鄭王房出其遠祖武德正觀以來告命勅書凡  
百餘亦有薛少保顏魯公書者奇甚明清每語親  
舊經繇不惜一訪而閱之李生亦不靳人之觀也  
文中子王通隋末大儒歐陽文忠公宋景文修唐書  
房杜傳中略不及其姓名或云其書阮逸所撰未  
必有其人然唐李習之嘗有讀文中子而劉禹錫  
作王華卿墓銘序載其家世行事甚詳云門多偉  
人則與書所言合矣何疑之有又皮日休有文中  
子碑見于文粹

歐陽文忠公公父名觀文多避之如碧落碑在絳州龍



興官之類蘇東坡祖名序文多云引或作叙近為文者或倣此不知兩先生之意也

賜生辰器幣起于唐以寵藩鎮五代至遣使命周世宗眷遇魏宣懿始以賜之自是執政為例

至和二年宋元憲建言慶曆郊祀赦書許文武百官立家廟而有司終不能推述先典明喻上指因循願望遂喻十載使王公為紳下同閭巷昭穆雜用家人身踰背弊甚可嗟也臣近因進對婁間聖言謂諸臣專殖第產不立私廟豈朝廷勸戒有所未孚將風教頽齡終不可復反復至意形于嘆息臣每求諸臣所以未即建立者誠亦有由蓋古今異儀

封爵殊制自疑成殫遂格詔書禮官既不講求私家何由擅立且未信而望誠者上難必責從善而設教者下或有違若欲必如三代有家嫡世封之重山川國邑之常然後議之則墜典無可復之期矣夫建宗祏序昭穆別貴賤之等所以為孝雖有過差是過為孝殖產利營居室遺子孫之業或與民爭利顧不以為取違夫立廟則曰不敢寧所謂去小違古而就大違古者今諸儒之惑不亦甚乎於是下兩制與禮官詳定制而王文安以下定官一品平章事以上立四廟知樞參政同知樞樞樞以上前任見任宣徽尚書節度使東宮三少以



上皆立三廟餘官祭於寢凡得立廟者許嫡子襲爵以主祭其襲爵世降一世死則不得別立祔廟別祭於寢自當立廟者即祔其主其子孫承代不許廟祭寢祭並以世數親疎遷祧始得立廟者不祧以始封有不祧者通祭四廟五廟廟因衆子立而長子在則祭以嫡長子主之嫡子死則不傳其子而傳立廟之長凡立廟聽於京師或所居州縣其在京師者不得於裏城及南郊御路之側既如奏仍令別議襲爵之制其後終以有廟之子孫或官微不可以承祭又朝廷難盡推襲恩之典遂不果行其略已見宋史道退朝錄至嘉祐中文潞公

爲相乃上章引禮官詳定制度平章事以上許立四廟欲乞於河南府營創廟詔從之政和中蔡元長賜宅京師援潞公之請既允所奏且命禮制局鑄造家廟祭器并余丞相係以下二府皆賜之紹興中秦會之表勳錫第又舉二例詔令討論悉如政和之制云

錢宣靖呂文靖知制誥衣綠張益之友直鄧公子也爲天章閣待制勾當三班院侍宴集英殿猶衣緋仁宗顧見即賜金紫呂文穆李仲詢及許冲元爲兩制衣緋蔡元長王子發官制行後爲中書舍人皆衣緋賈季華瑛爲樞密直學士正諫大夫衣綠



本朝父子狀元及第張去華子師德梁顥子固兄弟  
孫何孫僅陳堯佐堯咨四家而已後來沈文通孫  
晦以祖孫相繼近年許克昌寔許安世之親姪孫  
而王資深子洋俱為榜眼

舊制監司雖官甚卑遇前執政宰藩亦肩輿升廳事  
宣和初薛肇明白兩地出守淮南有轉運判官年  
少新進輕脫之甚肇明每不堪之到官未幾肇明  
還舊廳因與首台蔡元長語及之且云乘轎直抵  
脚踏子始下呵輿之聲驚耳至今為之重聽其他  
可知也元長大不平翊日降旨諸路監司遇前宰  
執帥守處即入客位通謁自是為例 王孟玉云

熙寧中神宗命館職張載往兩浙劾知明州苗振呂  
正獻與御史程伯淳俱言載賢者不當使鞫獄上  
曰鞫獄豈賢者不可為之事邪弗許

明清家有徐東湖所記 太上皇帝聖語其略曰大  
宗正行司將至行在南班宗子所居當作屋百間  
上曰修營舍宇固非今所急然事有不得已者故  
春秋於此事得其時制則不書不書者聖人之所  
許也近時營造之制一下百姓輒受弊蓋緣州縣  
便行科配矣又嘗語宰臣等曰為法不可過有輕  
重惟是可以必行則人不敢犯太重則決不能行  
太輕則不足禁姦朕嘗語徐俯異時宮中有所禁



初令之曰必行軍法而犯者不止朕深推其理但以常法處之後更無犯者乃知立法貴在中制所以決可行也

淳化三年西夏季繼捧遣使獻鷓鴣號海東青上賜詔曰朕久罷畋遊盡放鷹犬卿地控邊塞時出捕獵今還以賜卿可領之也宣和末耶律禧繇此失國烏乎太宗聖矣哉

元祐名卿朱紱者君子人也嘗登禁從紹聖初不幸坐黨錮崇寧間亦有朱紱者蘇州人初登第欲希晉用上疏自陳與姦人同姓名恐天下後世以為疑遂易名諤字曰聖予蔡元長果大喜不次峻擢

位至右丞未及正謝而卒年方四十

薛叔器

熙寧中御史言徐德占奉祠太廟嘗廣坐云仁宗有遺行詔問狀坐客客不敢對以為無德占云臣比行事至章懿太后室因為客言章懿實生

仁宗而不及養後以帝女降后之姪瑋主乃與瑋不協使仁宗有遺恨臣實洪州人聲音之訛遂至風聞上以其言有理笑而薄罰之

宣和中蔡居安提舉秘書省夏日會館職于道山食瓜居安令坐上徵瓜事各疏所憶每一條食一片坐客不敢盡言居安所徵為優欲畢校書郎董彥遠連徵數事皆所未聞悉有據依咸嘆服之識者



謂彥遠必不能安後數日果補外 蘇訓直云

曾文肅帥定一日晨起忽語諸子曰吾必為宰相然須南遷啟其所以公曰吾昨夕夢衣十郎綠袍北向謝恩豈非它日貶司戶之徵乎後十年果登庸既為蔡元長所擠徙居衡陽已而就降廉州司戶參軍勅到取幼子紛朝服以拜命果符前夢十郎即紛排行也

韓似夫與先子言頃使金國見虜主所繫犀帶倒透中正透如圓鏡狀光彩絢目似夫注視久之虜主云此石晉少主歸獻耶律氏者唐世所寶日月帶也又命取磁盆一枚示似夫云此亦石主所獻中物誠絕代之珍也盆蓋見之范蜀公記事矣

建隆遺事出稱王元之所述其間帥多誣謗之詞至於稱趙普盧多遜受遺 昌陵尤為舛繆案 國

史韓王以開寶六年八月免相至太平興國六年九月始再秉衡鈞當 太祖升遐時政在外何緣前一日與盧丞相同見于寢邪稱 太祖長子德昭為南陽王又誤矣初未嘗有此封元之當時近臣又秉史筆豈不詳知且載秦王傳中云云安有淳化三年而見 三朝國史秦王傳邪可謂亂道此特人託名為之又案元之自有小畜集序及三



黜賦與國史本傳俱云淳化二年自知制誥舍人  
貶商州至道二年自翰林學士黜守滁上咸平二  
年守本官知齊安郡而此序年月次序悉皆顛錯  
其偽也明矣

張賢良咸漢陽人應制舉初出蜀過夔州郡將知名  
士也一見遇之甚厚因問曰四科優劣之差見於  
何書張無以對守白載孟子注中因檢示之且曰  
不可不牢攏之也張道中漫思素著論成篇至都  
閣試六論以此為首題張更不注思而就主文錢  
穆父覽之大喜過閣第一黃六丈叔愚能記守之  
姓名嘗以見告今已忘之張即魏公廼翁也

唐文皇聚一時名流于冊府始有十八學士之號後  
來凡居館殿者皆稱之 國朝以來仕于外非兩  
制則雖帥守監司止呼寄祿官推通判多從館中  
帶職出補如蔡君謩湖州歐陽文忠公滑州王荆  
公舒州東坡先生杭州如此之類甚多劉贛父赴  
泰倅詩云壁門金闕倚天開五見宮花落早梅明  
日扁舟滄海去却尋雲氣望蓬萊蓋在道山五載  
然後得之學士之稱施于外者繇通判而然今外  
廷過呼大可笑矣

建炎己酉歲二月金人舉國南寇時 太上駐蹕維  
揚虜既次臨淮郡相距甚邇有招信尉以所部弓



手百餘人拒敵是日也塵氛蔽日虜初不測其多寡遂相拒踰半日尉與眾竟死不退於是探騎得疾走上聞乘輿百寮僅得南度儻非尉悉力以扼其鋒俾探騎得上聞則殆矣尉之姓名不傳於世可恨友人王彥國獻臣能道其詳他日當問之爲求大手筆作傳近見程可久云尉姓孫亦嘗以白國史汪聖錫矣

後聞孫名榮

三朝史錢儼傳云儼能飲酒百卮不醉嘗患無敵或言一軍校差可倫擬問其狀曰飲酒多手益恭儼曰此亦變常非善飲也東軒筆錄云馮文簡在太原以書姪王靈芝曰并門歌舞妙麗吾閉目不窺

但日與和甫談禪耳平父答曰所謂禪者只恐明公未達耳蓋閉目不窺已是一重公案馮深伏其言以二條觀之萬事莫不安於自然也

本朝及五代以來吏部給初出身官付身不推著歲數兼說形貌如云長身品紫棠色有髭髯大眼面有若干痕記或云短小無髭眼小面癢痕之類以防僞冒至元豐改官制始除之靖康之亂衣冠南渡承襲僞冒盜名字者多矣不可替考乃知舊制不爲無意也

靖康間欲追褒司馬溫公輿論以謂惟范忠宣在元祐間尤爲厚德可儷而有司一時鹵莽乃誤書文



正之名批自行下遂俱贈太師蓋不知文正以忠  
 宣德孺為宰執已追贈至太師中書令兼尚書令  
 魏國公久矣適何文縝在中書以鄉曲之故乃以  
 張天覺廁名其間亦贈太保而天覺熙寧中自選  
 人受章子厚知引為察官事見邵氏辯誣為舒信  
 道發其私書貶斥流落于外紹聖初子厚秉鈞再  
 薦登言路攻擊元祐諸賢不遺餘力至欲發溫公  
 呂正獻公之墓賴曾文肅公力啓于秦陵始免其  
 為慘酷甚矣晚既免相末年以校讎道藏復職又  
 有二蘇狂率三孔闊踈之表詩有每聞同列進不  
 覺寸心忙之句常希古亦力言其姦後來閩中書  
 坊開骨鯁集輒刊靖康詔書于首繇此天下翕然  
 推尊之事有僥幸乃如此者可發一歎 張文老云  
 建炎末贈黃魯直秦少遊及晁无咎張文潛俱為直  
 龍圖閣文潛生前紹聖初自起居舍人出帶此職  
 蓋甚久亦有司一時替考之失也

李成字咸熙系出長安唐之後裔五代避地徙家營  
 丘弱而聰敏長而高邁性嗜盃酒善琴奕妙畫山  
 水好為歌詩瑣屑細務未嘗經意周世宗時樞密  
 使王朴與之友善特器重之嘗召赴輦下會朴之  
 亡因放誕酣飲慷慨悲歌遨遊搢紳間太府卿衛  
 融守淮陽遣幣延請客家于陳日肆觴詠病酒而



在壽四十九子覺仕 太宗兩歷國子博士其後  
以覺贈至光祿寺丞云此宋白撰誌文大略如此  
王著書徐鉉篆覺字仲明列 三朝國史儒學傳  
叙其世家又同覺子宥仕至諫議大夫知制誥有  
傳載 兩朝史傳云祖成五代末以詩酒遊公卿  
間善書寫山水至得意處殆非筆墨所成人欲求  
者先為置酒酒酣落筆煙雲萬狀世傳以為寶歐  
陽文忠公歸田錄乃云李成仕 本朝尚書郎固  
已誤矣而米元章畫史復云贈銀青光祿大夫又  
甚誤也

揮麈前錄卷之二



揮麈前錄卷之四

汝

陰

王

明清

標目作王  
素同姓者  
者二

王絲字彰素越之蕭山人景祐初為縣令會歲歉絲  
每家支錢一千以濟之期以明年夏輸絹壹匹邑  
人大受其惠稱為德政繇此當路薦之蓋是時一  
縑售價不逾其數爾仕止郎曹典州而已范文正  
公為作墓誌具載其事王荆公當國做其法施之  
天下號為和買父之本錢既不復俵且有折帛之  
害世誤傳始於王儀仲素儀仲文正公之子早即  
貴達未嘗為邑官至八座沒謚懿敏國史本傳可  
考其子鞏字定國與東坡先生游李定字仲求洪

州人晏元獻公之甥文亦奇欲預賽神會而蘇子  
美以其任子距之致興大獄梅聖俞謂一客不得  
食覆鼎傷眾實者也其孫即商老彭以詩名列江  
西派中又李定字資深元豐御史中丞其孫方叔  
正民兄弟皆顯名一時揚州人又李定嘉祐治平  
以來以風采聞嘗遍歷天下諸路計度轉運使官  
制未行老于正卿乃敦老如岡之祖蓋濟南人也  
同姓名者凡三人世亦多指而為一不可不辯李  
陽翟人東坡先生門下士亦字方叔兩  
郭稹字仲微仕至龍圖閣學士權知開封府幼孤母  
邊更嫁王氏既而母亡稹解官服喪知禮院宋祁

卷之二



言積服喪為過禮請下有司博議因馮元等奏聽解官中心喪始此

太祖皇帝立極之初西蜀未下益州三泉縣令間道馳騎齎賀表率先至闕下上大喜平蜀後詔令三泉縣不隸州郡遇賀慶許發表章直達榻前至今甲令每於諸州軍監下注云三泉縣同是矣元符末龔彞序為縣尉婦弟江端本子之薄遊至邑令簿素與龔彞不叶相帥遊山經宿未回龔攝縣事忽赦書至徽宗登寶位龔即宣詔稱賀偶未有子亟令子之奉表詣都令歸已無及銓曹以初品官無奏異姓無服親之文沮之子之早負俊名曾文肅當國為將上取旨特補河南府助教今之上州文學也後子之官與職俱至正郎一時以為異事紹興初四川制司建言陞縣為軍失祖宗之指矣

張逸字天隱鄭州人登進士初嘗以樞密直學士知益州蜀人諳其民風華陽縣鄉長殺人誣道旁者縣吏受財獄具乃令殺人者守囚逸曰囚色寃守者氣不直豈守者殺人乎囚始敢言而守者果服立誅之蜀人以為神歲飢民多殺耕牛食之犯者皆配關中逸奏民殺牛以活將廢糴事今歲小稔請一切放還復其業報可凡四守益州逸子岫岷



亦有顯名于世。滋諸孫即端明殿學士澄也。

兩朝史章文憲得象傳末云初聞人謠曰南臺沙合

出宰相至得象相時沙湧可涉政和六年沙復湧

已而余丞相深大拜十餘年前外舅方公務德帥

福唐南臺沙忽再湧已而朱漢章葉子昂相繼登庸

昔人最重契義朋從年長則以兄事之齒少以弟或

友呼焉父之交遊敬之爲丈見之必拜執手姪之

禮甚恭丈人行者命與其諸郎遊子又有孫各崇

輩行略不紊亂如分守之嚴舊例書札止云啓或

止稍尊之則再拜雖行高而位崇者不過曰頓首

再拜而已非父兄不施覆字宰輔以上方曰台候

餘不敢也前輩名卿尺牘中可考今俱不然誠可

太息

太平興國六年五月詔遣供奉官王延德殿前承旨

白勳使高昌雍熙元年四月延德等叙其行程來

上云初自夏州歷玉亭鎮次歷黃羊平其地平而

產黃羊度砂磧無水行人皆載水凡二日次都囉

囉族漢使過者遺以財貨謂之打當次歷茅家啜

子族臨黃河以羊皮爲囊吹氣實之浮於水或以

囊馳牽木棧而度次歷茅女王子開道族行入六

窠砂砂深三尺馬不能行行者皆乘橐馳不育五

穀砂中生草名登相收之以食次歷樓子山無居



人行砂磧中以日爲占旦則背日暮則向日日下  
則止又行望月亦如之次歷卧羊梁劾特族地有  
都督山唐回鶻之地次歷太子大蟲族接契丹界  
人衣尚錦綿器用金銀馬乳釀酒飲之亦醉次歷  
屋地目族蓋達于于越王子之子次至達于于越  
王子族此九族達靺鞨中尤尊者次歷拽利王子族  
有合羅川唐回鶻公主所居之地城基尚在有湯  
泉池傳曰契丹舊爲回紇牧羊達靺鞨舊爲回紇牧  
牛回紇徙甘州契丹達靺鞨遂各爭長攻戰次歷阿  
塿族經馬鬃山望鄉嶺嶺上石庵有李陵題字處  
次歷格羅美源西方百川所會極望無際鷗鷺鳧  
鴈之類甚衆次至托邊城亦名李僕射城城中首  
領號通天王次歷小石州次歷伊州州將陳氏其  
先自唐開元二年領州凡數十世唐時詔勅尚在  
地有野蠶生苦參上可爲綿帛有羊尾大而不能  
走尾重者三斤小者一斤肉如熊白而甚美又有  
勵石剖之得宿鐵謂之喫鐵石又生胡桐樹經雨  
即生胡桐律次歷益都次歷納職城在大患鬼魅  
磧之東南望玉門關甚近地無水草載糧以行凡  
三日至思谷曰避風驛本俗法試出詔押御風御  
風乃息凡八日至澤田寺高昌聞使至遣人來迎  
次歷寶莊又歷六鍾乃至高昌高昌即西州也其



地南距于闐西南距大石波斯西距西天步露沙  
雪山葱嶺皆數千里地無雨雪而極熱每盛暑人  
皆穿池爲穴以處飛鳥羣萃河濱或起飛卽爲日  
氣所爍墜而傷翼屋室覆以白堊開寶二年雨及  
五寸卽廬舍多壞有水出金嶺導之周繞國城以  
溉田園作水碓地產五穀惟無蕎麥貴人食馬餘  
食牛及鳧鴈樂多堊篋出貂鼠白氎綉文花藥布  
俗多騎射婦人戴油帽謂之蘇幕遮用開元七年  
曆以三月九日爲寒食餘二社冬至亦然以銀或  
鍮爲筒貯水激以相射或以水交潑爲戲謂之壓  
陽氣去病好遊賞行者必抱樂器佛寺五十餘區  
皆唐朝所賜額寺中有大藏經唐韻玉篇經音等  
居民春月多遊羣聚遨樂於其間遊者馬上持弓  
矢射諸物謂之穰灾有勅書樓藏唐太宗明皇御  
札詔勅緘鎖甚謹後有摩尼寺波斯僧各持其法  
佛經所謂外道者也統有南突厥北突厥大衆尉  
小衆尉樣磨割祿黠戛司末蠻格哆族預龍族之  
名甚衆國中無貧民絕食者共振之人多壽考率  
百餘歲絕無夭死時四月獅子王避暑於北廷以  
其舅阿多于越守國先遣人致意於延德曰我王  
舅也使若拜我乎延德曰持朝命而來禮不當拜  
復問曰見王拜乎延德曰禮亦不當拜阿多于越



復數日始出相見然其禮頗恭獅子王邀延德至其北庭歷交河州凡六日至金嶺口寶貨所出又兩日至漢家寨又五日上金嶺温嶺即多雨雪上有龍王刻石記云小雪山也嶺上有積雪行人皆服毛罽度嶺一日至北廷憇高臺寺其王身羊馬以具饌尤豐索地多馬王及王后太子各養馬牧放於平川中彌亘百餘里以毛色分別爲羣莫知其數北廷川長廣數千里鷹鷄鴈鶻之所生多美草下生花砂鼠大如鸛鷲禽捕食之其王遣人來言擇日以見使者願無訝其淹久至七日見其王及王子侍者皆東向拜受賜旁有持磬者擊以節拜王聞磬聲乃拜既而王之兒女親屬皆出羅拜以受賜遂張樂飲燕爲優戲至暮明日泛舟於池中池四面作鼓樂又明日遊佛寺曰應運泰寧之寺正觀十四年造北廷北山中出硃砂山中常有煙氣涌起而無雲霧且又光燄若炬照見禽鼠皆赤采硃砂者著木底鞣若皮爲底者即焦下有穴生清泥出穴外即變爲砂石土人取以治皮城中多樓臺草木人白皙端正惟工巧善冶金銀銅鐵爲器及攻玉善馬直綃一疋其駕馬充食者纒直一丈貧者皆食肉西抵安西即唐之西境七月令延德先還其國其王始至亦聞有契丹使來脣缺



以銀葉蔽之謂其王曰聞漢遣使入達靉而道出  
王境誘王窺邊宜早送至達靉無使久留因云高  
敞本漢土漢使來覬視封域將有異圖王當察之  
延德偵知其語因謂王曰犬戎素不順中國今乃  
反間我欲殺之王固勸乃止自六年五月離京師  
七年四月至高昌所歷以詔賜諸蕃君長襲衣金  
帶贈帛八年春與其謝恩使凡百餘人復循舊路  
而還雍熙元年四月至京師延德初至達靉之境  
頗見晉末陷虜者之子孫咸相率遮迎獻飲食問  
其鄉里親戚意甚悽感留旬日不得去延德之自  
叙云此雖載于 王于汾 國史而世莫孰知用書于編以

俟通道九夷八蠻將使指者或取諸此焉

紹興丙辰明清甫十歲時朱三十五丈希真徐五丈  
躬立俱爲正字來過先人先人命明清出拜二公  
詢以國史中數事隨即應之無遺繇是受二公非  
常之知于弱齡希真之相予多見其詞翰中後二  
十年明清爲方壻躬立守滁陽以書與外舅云聞  
近納某字之子爲壻豈非字仲言者乎具道疇昔  
時事且過相益美又數年躬立爲貳卿明清偶訪  
之坐間忽發問曰度今此居號侍郎橋何邪明清  
即應以 仁宗朝郎簡杭州人以工部侍郎致仕  
居此里人德之遂以名橋又問郎表德謂何明清



云兩朝國史本傳字簡之王荆公集中有寄郎簡之詩甚稱其賢少焉司馬季思來其去復問明清云温公兄弟何以不連名明清荅以温公之父天章公生于秋浦故名也從子校理公生于鄉中名里天章長子以三月一日生名旦後守宛陵生仲子名宣晚守浮光得温公名光承平時光州學中有温公祠堂存焉敦立大喜曰皆是也且顧坐客云卒然而酬博聞如此可謂俊人矣烏乎敦立今墓木將拱言之於邑

郭熙畫山水名盛昭陵時嘗為翰林院待詔熙寧初其子思登進士第至龍圖閣直學士更帥三路既貴廣以金帛收贖熙之遺筆以藏於家繇是熙之畫人間絕少思亦多材藝有笑談可用集行於世元祐中呂微仲當軸其兄大忠自陝漕入朝微仲虛正寢以待之大忠辭以相第非便微仲云界以中雷即私家也卒從微仲之請時安厚卿亦在政府父日華尚康寧且具慶焉厚卿夫婦偃然居東序時人以此別二公之賢否

姚寬令威明清先友也著西溪殘語考古今事取為詳備其間一條云舊於會稽得一石碑論海潮依附陰陽時刻極有理不知其誰氏復恐遺失故載之觀古今諸家海潮之說多矣或謂天河激湧高洪



潮亦云地機翁張正見洞真盧肇以日激水而潮生

封演云月周天而潮應挺空入漢山湧而濤隨師施

謂僧隱折木大梁月行而水大見寶叔源殊派異

無所適從索隱探微宜伸確論大中祥符九年冬

奉詔按察嶺外嘗經合浦郡廉州公南溟而東過

海康雷州歷陵水化州涉恩平恩州住南海廣州

迨由龍川惠州抵潮陽潮州泊出守會稽越州移

蒞句章明州是以上諸郡皆公海濱朝夕觀望潮

汐之候者有日矣汐音夕得以求之刻漏究之消

息進退十年用心頗有準的大率元氣嗑吸天隨

氣而漲歛溟渤往來潮順天而進退者也以日者

四

九

重陽之母陰生於陽故潮附之於日也月者太陰

之精水者陰故潮依之於月也是故隨日而應月

依陰而附陽盈於朔望消於朏敷尾魄於上下弦

息於輝朏女六切朔而故潮有大小焉今起月朔

夜半子時潮平於地之子位四刻一十六分半月

離於日在地之辰次日移三刻七十二分對月到

之位以日臨之次潮必應之過月望復東行潮附

日而又西應之至後朔子時四刻一十六分半日

月潮水亦俱復會於子位於星知潮當附日而右

旋以月臨子午潮必平矣月在卯酉汐必盡矣或

遲速消息又小異而進退盈虛終不失於時期矣



或問曰四海潮平來皆有漸唯浙江濤至則亘如山岳奮如雷霆水岸橫飛雪崖傍射澎騰奔激吁可畏也其可怒之理可得聞乎曰或云夾岸有山南曰龕北曰赭二山相對謂之海門岸狹勢逼湧而為濤耳若言狹逼則東溟自定海縣名屬四明郡吞餘姚奉化二江江以縣為名一屬會稽一隸四明侷之浙江尤甚狹逼潮來不聞濤有聲耳今觀浙江之口起自纂風亭地名屬會稽北望嘉興大山屬秀州水闊二百餘里故海商船舶怖於上渾水中沙為渾徒早切惟泛之餘姚小江易舟而浮運河達于杭越矣蓋以下有沙渾南北亘之隔礙洪波蹙遏潮勢夫月離震兌他潮已生惟浙江水

八十八

四

十一

未泊月徑潮巽潮來已半濁浪推滯後水益來於是溢於沙渾猛怒頓湧聲勢激射故起而為濤耳非江山淺逼使之然也宜哉令威以該洽聞于時恨不能知其人明清心謂必機博之人後以真宗實錄考之大中祥符九年以燕肅為廣東提點刑獄遂取兩朝史燕公傳觀之果嘗自知越州移明州卷末又云嘗著海潮論海潮圖並行于世則知為燕無疑

明清乾道丙戌冬奉親會稽居多暇日有親朋來過相與悟言可紀者歸考其實而筆錄之隨手盈秩不忍棄去遂名之曰揮塵錄非所以為書也長

至日 明清識



右揮麈錄一編汝陰王仲言所作也紹興辛丑  
迥侍叔父尉剡叔父出仲言昆仲詩詫曰此皆  
小汝若干歲雪溪先生諸子也迥茫然自失其  
後得與仲信仲言游雖服其談洽當時未知學  
問之有味也越二十年迥塵忝末科試吏于淮  
壩得奉行政事之在民者因讀荀卿子書曰法  
不貳後王又讀宣王詩曰周道粲然後興於是  
思熟於本朝典故者以講論學問士夫間訪  
之未獲也忽仲言出示此書乃平昔之所期不  
謂近出於朋舊之中喜可知也雖然僕有疑焉

仲言富於春秋宜以壯烈上佐時用何遽留心  
於著述若僕輩衰老不適用乃可娛意於簡冊  
之間耳仲言其懋哉乾道己丑八月左文林郎  
饒州德興縣丞沙隨程迥可久跋

九真素聞仲言多識前言往行真好古博雅君  
子願從下風聽餘論聞所未聞爲有日矣今幸  
同僚于此謂可破此願也而郡邑相距餘一舍  
仲言入郭有時不得朝夕見斯心竟未能滿間  
從清流王孟玉借揮麈錄觀之殆所謂窺豹一  
斑者因手抄之古人有云不見異人當得異書



今也見其人得其書何喜如焉因誌于後傾困  
倒廩尚糴自此無靳也迪功郎高郵軍教授臨  
汝郭九惠書

李賢良簡

塵拜手昨日辱下頤殊恨不款經夕伏惟台候  
客况萬福宣政從臣出處極爲詳備受賜甚多  
揮塵錄昨晚與老人伏讀共歎該洽如塵輩可  
知愧矣鄭公之說甚善切幸小留以容乞靈龍  
山俯就食其祿可也一二同舍郎與兄厚善皆  
以爲喜老人亦約同白廟堂且喻意京兆來早  
幸過此共飯已約叔度款宏論不宣塵上履仲  
言簽判學士契兄

王知府自跋

丘明子長班范陳壽之書不經它手故議論歸  
一自唐太宗脩晉書置局設官雖房元齡褚遂  
良受詔而許敬宗李義府之徒厠迹其間文字  
交錯約史自此失矣劉昫之唐書薛居正之五  
代史號爲二氏而職長監脩未始措辭嘉祐重  
命大儒再新唐史歐陽文忠宋景文各析紀傳  
故直筆糾繆之書出



國朝三朝史爲大典之符而進呈於天聖垂  
簾之際名臣大節無所叙錄居多或有一事見  
之數傳褒貶異同自建隆抵于元符信史婁更  
先人於是七國朝史述焉直欲追倣遷固鋪  
張揚厲爲無窮之觀雖前日宗工筆削不敢更  
易但益以遺落損其重複如一姓父子兄弟附  
于本傳之次增以宗室宰執世系與夫陟黜歲  
月三表如唐書之制紹興戊午中執法常公聞  
其事詔奉祠中視史官之秩尚方給札奏  
御及半而一秦專柄不盡以所著達于乙覽

前跋四已

十三

獨存副本私室先人弃世野史之禁興告訐之  
風熾薦紳重足而立明清兄弟居蓬衣白士所  
掩匿手澤不復敢留悉化爲煙霧又十五年巨  
援沒而公道開再命會稽官以物辦訪遺書  
于家但記憶殘缺以補冊府之闕而已故舊文  
居多此舉蓋自先祖早授學於六一翁之門命  
意本于六一其後先人承之故先人遷官制去  
汝好古博雅自其先世屬詞比事度越輩流痛  
哉斯文雖不傳於後代而王言可訓于萬世  
也明清弱齡過庭前言往行探尋舊事龜夕剽



聆多歷年所憂苦摧挫萬事在解不自意全莫能髡鈐以續先志乾道之初竊叢祠之祿偏奉山陰親朋相過抵嘗劇談偶及昔聞間有可記隨即考而筆之曰揮麈錄故人程迥可久知名士也覽而大喜手錄而識于後繇是流傳又嘗取司馬文正公百官公卿表與夫陳餘叔及紹興拜罷錄參考弼臣進退次第年月列爲四圖表置之坐隅以便觀覽今鏤板于閩蜀江浙矣丁酉春覓官行都獲登太史李公仁甫之門命與其子仲言遊春容間隅出二編公一見稱

道再三且以宣政名卿出處下詢如黃寔章子厚之甥不麗其舅而卒老于外方軫蔡元長之姻婭引登言路而首論其非遂罹遠竄潘允朱勔里人不登其門而擯斥李森爲中司不肯觀望王黼窮鄧之網之獄而被逐燕雲之役蓋成王家之枉繇盛章父子欲害劉炳兄弟世皆亡其事跡明情不量其愚爲真搜倫類凡二十餘條據據依本末告之公益喜大加敬歎又去僕兼攝天官覩銓榜有臨安龍山監稅見次君可俯就但食其祿而相與討論徐請君子朝以



助我明清力辭以名迹不正且非其人而歸未  
幾公父子俱去國明清餞別于秀州之於青闌  
下舟中相持悵然後數年仲信没于蜀公後雖  
復召領史局而明清適官遠外參辰一見方欲  
造公而公已下世比焉試邑窮塞公事無多翻  
篋復見舊藁愴念父祖以來平生用心嗟夫師  
友之淪沒言猶在耳孰令聽之邪投老殘年感  
歎之餘姑以曾中所存識左方後之攬者亦將  
太息于斯作淳熙乙巳中元日朝請大夫主管

台州崇道觀汝陰王 明清書

揮塵前錄卷之四







